

رعد الناشي

صفنة فرح

شعر شعبي

صدرت الطبعة الأولى في فبراير 2020

بطاقة الكتاب

عنوان المؤلف	صفحة فرح
المؤلف	رعد الناشي
التصنيف	شعر
رقم الإيداع	2020-4211
الترقيم الدولي	978-977-6771-57-4
رقم الإصدار الداخلي	590 الطبعة الاولى فبراير 2020
عدد الصفحات	84 صفحة
تصميم الغلاف	مؤسسة النيل والفرات

جميع حقوق الطبع والنشر محفوظة للمؤلف، ولا يحق لأى دار نشر طبع ونشر وتوزيع الكتاب أو ترجمته أو الاقتباس منه أو نشره على النت الا بموافقة كتابية وموثقة من المؤلف

مؤسسة النيل والفرات للطبع والنشر والتوزيع

ثورة مصرية تشرق إبداعاً على الوطن العربي

رئيس مجلس الإدارة

ناجى عبد المنعم



مؤسسة
النيل والفرات
للطبع والنشر والتوزيع
أسسها الشاعر ناجى عبد المنعم
حلم 2017

رخصة مزاولة مهنة: 58365 - سجل تجاري: 13242 / 2017 - بطاقة ضريبية: 35-01-572
 عضو عامل باتحاد الناشرين المصريين رقم 941 لسنة 2018
 هاتف: 01011256943 - 01116202218 - 01202541192 تليفاكس: 020554372901
 النيل والفرات nagyegy200064@gmail.com
 النيل والفرات alnilewaalfourat@gmail.com
 المقر الرئيسي: ج.م.ع. محافظة الشرقية - العاشر من رمضان - مجاورة 13 - امام سنتر الـ13 - مقار 304

مفتتح

خاويت الحزن
كل ظني ارتاح
لغيته سلاح باشط
ياكل ابچدي
خاويت المصايب
والحزن واليا ويل
نزلن ع الجرح
والجرح يدي

رعد الناشي

الجرف شایل زعل

يسيديه اشگواتچ ياصلافة البيچ

عطشتي النخل سديتي بيبانچ

صرتي اسمچ نهر

بس ملعب وساحات

شجاج اشغيرچ تيهتي عنوانچ

تعثرين وحياتچ لو گطعتي الماي

الج حسره تضل لو فاض جريانچ

جرفينچ زعل شالن عليچ وغيظ

لأن وحشه الظلام ابين ديرانچ

مو جفت ربعنه وقسم منها الشال

وانتي اتباهي ظلي ابصبخة الوانچ

يسيدية الحلال ابيوم شف الماي

اچه یمچ تنحب طالب احسانچ
لا چف الیهد عنده ویعیل اعلیچ
ولا عنده اللسان و غاض وجدانچ
وانتی ابلا اراده
و شل ضمیرچ سیف
لان الکیظ قاسی و هذا نیشانچ
لا تجری ابسیح مرنه ابرشن من فیض
خل ایرش عطاشی جذور و دیانچ
یسیدیہ العمار ایرید منچ ریع
دنتفضی اعلہ نفسچ و سگی خانچ
تجاوبنی ابرهاوه ابیوم شف المای
نخیت انه هلی وکل الیشربون
ما بیهم تنخه ولا وگفلی ابحال
بس بیهم طبع بالشده یچفون
شال المای حضنی الآخر ارزيجان

وطبع بجروفي باقي من اليفلثون
شفت بيهم طبع ما شافته الناس
على الصوبين وكفوا بس يصفگون
صفگه اتهز مشاعر جرفي ويهيل
وكض ابهاي غيظي واصبر اثلون
اذا من يرتويني بساعة الضيچ
عليّ ايشيل سيفه اوي اليضدون
اذن شلي ابحياتي ونفعي شيفيد
اذا اروي ضمائر شايله اسنون
احس جرفي انهدم والماي گام ايسيل
وانه اتنخه يخوتي لا تسكتون
لا منهم وصل .. لا بس لفظ لاء
وانه اجروفي اتلاشت من اليسحگون
گلت انذر حياتي وخل انشف الماي
لان عالي عليهم بيه يغرگون

الوطن غيرة

گوم الودك

لا تنتظر معجزة

عصا موسى انتهت

ونختمت القصة

گوم الودك

ماظني تفرع ناس

الغيرة ماتت أمس

ونختمت أعباس

معذور ياموطني

گوم أحرگ اسنينك

عمرک گضيته رفس

شعبك سچاچينك
فرهود صاحوا أمس
وانته اعله حد السيف
وبيهم ولاساومت
وانطيت چفينك
مظلوم يا موطني
گوم افرز ابناسك
بلچي احد ابديرتك
شایل نياشينك
عذرا يا وطن
شو ناس تا كل ناس
وبچفها القنابل
من تجي اتعينك
گبر يفر گبر

والموت بينه ايحوف
أمس رغبة حسن
حنت حياطينك
الفزع واحد الك
شيكمل السبعين
گوم ادعي ابصلاتك
وندب حسينك
بلجي ايفز ضمير النام
عند الناس
ويفرز الجافل يا علي وينك
فز جسر النصر
والغيره طفحت بيه
شايل صف رصاص
وشال نيشانك

لأن راد الشهادة
ويعتنيها زحوف
من شاف اليهود
ألدوس قرآنك
غيره وبالفرات
ومايه ما انطاه
وأنت اسمك موالى
ولاغى وجدانك
إذا ما بيك هذه
وتفزع بهل اليوم
چا يمته تهد
مو حافوا أحضانك
يمحمد سعيد
السكته ما تتراد

مو خطبوا بديهم

ماي فنجانك

تمثالك رمز

للموعظه وللدين

إذا ذني أنتهن

شيفيد تمثالك

شوگي اعليڪ حد الآه

هدلت الصدر
والروح فرشت هيل
باول مطلع اسمك
حققت ذني
هاضمني القهر
والوعد هد الحيل
ما احمل جفاك
العقل شت مني
كضيت البارحه
امشابگ جذب وياك
تتهدد عليّ

الوحدة تكتلني
بين افراكم
والشوق والياويل
وحسرات الفراگ
الزودن وني
تلفاني المحنه عليك
حد الآه
حاطني بغيابك
حيل شدھني
تعال ابداعتي
مشتاقه ليلك الروح
تعال اطرب جفاك
ابحضرتي وغني
حسدوني اعلى ضيمي

أوبوعذك المحتوم
اعذرهم ياعسل
لوبيك حسدني
يل كلك عسل
محتار اجيك امنين
احس بيهن اشفاقك
حـضـن حـضـنني

امد روهي اعلى طولك

رغم كل المآسي

والم كل ما فات

ورغم جرح البكبي

وكثر الشوغات

ورغم فرگاك

أواكب عالمك لسباب

تارة أنسى ويرد

شوگك علي تارات

وبقى وياك

عائش ذكريات أهواي

اوج ابنار

شوگك وانطفي بلچمات

واذا راد الظلام

أيباهي بيك الليل

امد روي اعله

طولك واعتلگ ضويات

وبقى وياك

اكاسر ليك التعبان

بهمومي وحزن ليك

تنملي الكاسات

او نبقي اهنالك

ما بين الصبر والشوگ

تجمعه المودة

بليل صاحي ابكاس

ونذوب ابصبرنه

بروح وحده انبات
وكتب لليريد
ايزورنه اعله الباب
خلينه ابلمنه
امشابگه البوسات
وصار اسنين حفنة
انسلم من بعيد
صبر عمريين
شيفضة ابثلث ساعات
ورد انتظر اهالك
علي ايعود
يا اجمل ملاك
واعذب الچلمات

عطش گيظ

شگ ثوبه النهر
واتلاوه وي الغيض
من طگت لهاته
وعطّشاه الغيظ
مد أيده السحاب
تناوشاها براي
من شاف الكرنفل
والعطش والناي
يعزف للشجر باجر
يجيكم ماي
يسيديه شگواتچ

من عزف لچ ناي
ما هزج نغم
لا حركالچ باب
لا غيضج تدغدغ
لا طبگلچ ناب
لا جرح التلايم بيچ
بس تدي الجروح
الچوية العطاب
يسيديه السراب
أيدور عله أسباب
وانتي أبكل عضو
امن عضاچ
نیشان واثر لصواب
لأيام الطفولة لرسمت

عله اجر وف خدج ماي

ليام البراءة

البأكت سنين الشفايف

بوسه تحت فياي

وسنين المضاييف تبجي

اعله هذا الحال

وسنين العشك

صاغ الشمس تمثال

صاغ من الشفايف

حنة أمحبين

ظل غافي اعله جرفج

واحنه عطشانين

وغتاض الجرف

شك ثوبه شكّه أبناب

من شاف الحلم
يمشي أبدر ب جذاب
ورزيجان واگف
والنخل حلمان
ورزيجان يركض
والعطش فحطان
ليام الطفولة يريد
ليام البراءة يريد
راد أيفض فقط
كل عشره وي إنسان

اتوجه اعلیٰ روحی

شفت دنیای

ظلمه

اخلاف عیناچ

وضوه اعیونچ

ییمه انباگ منی

یجینی الضیم

وانه وحید تدرین

واسهامه الرماهن

حیل یاذنی

رافگت الیالی

السود والضیم

اجز عن مني
ييمه وحيل ملني
گلت ابجي حسبتي
بلچن ارتاح
صرت حسبه
ييمه وهنه ييجني
صرت دمة بواچي
بعين حسابات
وحسابات اللفن
لليوم شلني
وانه امضارب
عليّ اسيوف دنياي
واليمي اشوفه
أبضيمني متهني

التم الظلام
او عندي راد ايبات
ولن شفت الظلام
اسهامه كصدي
بفرا كچ ييمه
اسهامه متحنيات
من رحتي
بسغم وبضيم ضكني
كصدي اعله باطل
ما يجن عالبال
عن يا حال
وبيا ضيم جسني
صابني انفضتهن
صحت الف يا حيف

توچیت اعلہ جرحی

ولا یهمنی

بطاقات ملونة

1

طير ايناجي طير
ايگله بينه اشلون
مرض صاب الحدايق
وانتقل كلش
ما ظل شي عدل كلها
اصبحت عودان
عود امنين اجيب
اوينبنيلك عش

2

الما يخاف الله

يفعل ما يشاء

ولي ما يخجل يسوي

اشما يريد

من زمان الفات

حد آخر زمان

حسين يبقى حسين

واللعه اليزيد

3

اكل عمري الحزن

حد ما صبح عود

و تزيد انتہ علي

بالطين بلہ

صفہ تجعجع وقوفي

اشويه ها اطيح

وانتہ ولا گلت

کافیک خلہ

4

اعلى حل شعرك

تريد اتعيش مرتاح

وتريد اتغضي عمرك

بالمراجيح

انصحك ما تدوم

اوغيره دنياك

لا وكثر

يجيلك يوم وتطيح

انطق يا وطن
لا تسكت اشبيك
حفرولك بديهم
بير حفرولك
كطفوك أبقتابل
والحبل عافوه
من يوسف صرت
شارون جابولك

6

آه بين العراق

أشمالك

اشلون

متحزم عليّ

وبيدك الفاله

عيب اتدج أبوك

بتربة حسين

ومن طاح

اعتقد

بس هو تجالة

اصبر يا وطن

باب الله موجود

وكل ارو احنه

الجرحك دوه

احنه جدنه وياك

يحميك الحسين

واحنه من أتطيع

طيحتنه سوه

التعبان شارة

ويا علي

عنده قضية

أيشيل بيها

الماله حيلة

وبعدوه

اشلون

حيلة بندقية

اشگد وکح هذا الحلم

حلم

شيكلبه حقيقه

البارحة

چن انه وانه

اثنيه

أتباعينه أتقاربينه

صارت

جفوفك بديّة

وصارت الشفه

اعله شفّه وتيهينه

تیهينه

ثنيه بشوگ السنين

ومن فرحنه

الغرفة فرشت

ياسمين

وطحنه مدري

شلون طحنه

بس تلم

اجسادنه

زنود الحنين

رد عليه

الباب روحه بغيظ

سد روحه عليه

چان خايف

شاف مدري

شلون خدي
من الشفا يف
صار بوسه
وشاف مدري
شلون خدك
ايذوب وتمصه
الشفا يف
چان خايف
واحنه ما ندري اليصير
عشنه ليله ثنينه
بأجمل حلم
ابلايه صوت
إبلا ضجيج
اشكد وكح

باب النسيج

بيده جاب

امراذي ليه

ابلا حقيقة

أمراد

وتجيبه ابخيال

اشلون أفر

من نومي كلي

وأنه حقت المحال

طبع منجل

خاويت الحزن

كل ظني ارتاح

لغيته سلاح باشط

ياكل ابجدي

خاويت المصايب

والحزن واليا ويل

نزلن ع الجرح

والجرح يدي

خاويت الجروح

وبالجروح أجروح

شفت طبع المصايب

كلهن ضدي

شفت وكتي مناجل
والدهر فلاح
ومن طبع المناجل
تاكل البردي
چثيرات المصابب
واليعد ايتيه
اعتن لي يصاحب
چلچن عندي
انه وحيد أصبحت
واليمي عدوان
نزلوا بالدگاگ
وحومروا جلدي
طش بيه الخدر
وترفرف الروح
تفارگني

واکله ارجوچ رد ي
ما مش ضيم يبقی
وعوز للدوم
ايخلص ويرد عمرنه
الچان وردي
يروح الضيم كله
وترجع الناس
ورد انه الوکت
ما چان ضدي
تگلي احلم حبيبي
شلون مترید
ما دام الدگاگ
امبين ابچلدي

ربح خسران

بعدد ذني الاصابع

طلّغت دنياي

لأن وكتي

اشمعدله

وياي مگلوب

راح احسب يوكتي

احساب بهداي

ورد عمدہ

اعله كيفي

احسبهن انوب

عمت عينك يوكتي

الراح والجاي
خلص عمري
گضيته وياك متعوب
گلت اتهون
خلها اتزيد بلواي
و گلت اربح ولك
مو دوم مغلوب
اذا صرتوا رفاگه
اليوم فد راي
يعريني الوكت
والدنيه حالوب
اشلون اصبر يدنيه
وناري بحشاي
ويا صبر البشر

عالنار چندوب
وانه ناري چبيره
انتشف الماي
نشف مايي
وبقيت ابونة ايوب
وصفيت
امسي ابغذاب
واصبح ابداي
وصفيت
التم يدنيه
من البس الثوب

تراثيل مجروحة

لوانه الضيم وتغاصه هزّنه
ونميل أبساع ما نحمل هزّنه
أخبرك ضاع والباري هزّنه

بسبب كل ساع دنيانه لها حال
طحت ومنين أجيب أنه لها حال
اظن أف واسافه اله لها حال

لأن نادت أسف عنها تونّه
فرحها والليالي اكصن تونّه
شحبت ولتوت چنها تونه

صحتها بصوت ما ممچن وناداي
عليل ودردي بي ياكل وناداي
أشوف وعيني بس تدمع وناداي

چتفها ولا تركها ابيوم يوعاي
حسافه بضم طحنه وسور يوعاي
سرور النام گلي اشلون يوعاي

إذا وكته ابظلامه ايصيح يآبين
صحيح چفوف عدنه اليوم يآبين
لچن وسفه الليالي السود يآبين

ليالي اتفوق ظلمتهن عليه
غطانه الضيم وتمركز عليه
نخيته ايگوم بالشدة عليه
يرد عنه الظلام نريد ضيه

صبحك ليل

صبحك ظلام
وليلي أنوار
وطبع صبحي
بظلامك
ما يشع صبحه
لأن اسمك
بديّة هوى وأسرار
اعجز لو ردت
صدقني اشرحه
جبت قلبي بدي
وياي تذكّار
وأنت بكل صلافة
تريد ذبحه

عطش جرفين

ما مرنه اشگواته

الفرح خنياب

وصل يمنه

انتفض بالديره صيهود

ابيا عين الجروف

اتعاشر الماي

وهي تشجي العطش

والماي موجود

صبرنه احنه

بقهر هاي المسافات

اوطويناها ابحلم

نتأمل الزود

أذن حگها الشواطي
اتبوس الاجدام
اوتحط بوسة اجدامك
فوك الخدود
طريت الجبال
ابفيض طوفان
شنهوالحرولك
توكف بالسدود
من عطشت الحره
ونخت عباس
شد سيفه اعله ضلعه
وذب الزنود
خط بالدم وفه
العباس لحسين
ول بالوفه العباس

من ينعد
مشكوله الذمم بيك
وننشد اعليك
لامريت مره
ولا ردت تنشد
وگفنه العمر
من شفته الاحزان
تاكل بالسنين
وبدت بينه اتعد
انته ابلا اراده
امتيه الوجدان
اهو اشباقي ابعمرنه
ورايد اتفرهد

فرهذي الوكت

فرهذي الوكت

والحال هذا الحال

صفه حالي

مثل حال

اليسكرون

سكران بهمومي

وانشدهت البال

وانه بعيد

عن كل اليشربون

صح هذا الوكت

يحتاج خيال

لأن وكتك طويل
او رايد الطفرة
مو عيب النهر
لو شح عليه السال
بس عيب البحر
من يطلب الكطره
بركان البعيد
اتشوفه تمثال
يلمع ع البعد
والنار بيه كبره
الجبل
لوما تحضنه الكاع
چا مال
چا طاح وتهشم

واتوسد الغبرة
خلص عمري
رچیج وبیٰ ينعال
أبجي أوي السهر
ساعات أسهره
او یرد السهر ییچی
ایبجي العیال
وعیاله یتامه
اوبالأصل فقره
مو عیب الیگع
بصواب چتال
بس عیب الیگع
من هزة المهره

طگ غیظ الجنازة

العمر مطلوب ثار

وحسبته ایام

وظل یمسح حچینه

وحبر الأقلام

لأن خایف

تضل احچایة الناس

وعلیها اتصیر جملة

اوتنبني احلام

صح صوت الونین

ایفززالعود

وانت اهنالك تحسب ونتي انغام

اويصفني الندم
حد عضة اشفائي
لأن الساعة عندي
بحسبة أيام
ورد احضن ونيني
ودمعة العين
لأن يوم الحزن
يتجدد ابعام
صحت كافي تعبته
وتعبت الروح
نريد اعمارنه
الضاعت بالوهام
اذا كصدك تخاف
وشارك مهيب

أنه اتحزم وشيك

حافي الأجدام

بس كافي القهر

ذلتنه الهموم

والمجني حسافه

ابلا وعي ومات

طك غيظ الجنازه

ونفضت أدموم

ارسمت نص جسد

شايّله وجهين

نص وجه العمر

والثاني ماسات

چف واحد صفوا

والسيف جلاد

واظن عدهم صفيت

آخر محطات

ترس چفي الدمع

ترس چفي الدمع

شلتته أنه اراويك

وانت ارسوم يمي

وما تحاچيني

صحت ييني

طويله امتدت

اعله الكاع

تعال الحگ عليّ

الضيم ماڌيني

طحت بين الشّماته

وبين الارڌال

وأنه وحيد بيني
اعتقد تدريني
اريدنك جواب
اتسدلي حلگ الناس
يسالوني
ويجاوبهم دمع عيني
تسالني
المخذة افراشك الاوراق
كلها اتگول
وينه الدرب دليني
يبني ارباي
منك رايده اليوم
لأن اسنين هجرك
باگن اسنيني

الورق كله يبيويه
وعلة الدولار
ما ساوت شبر
من تربتي اوطيني
اقبل بالقهر
وملابس الحرمان
واذا يهدالك انتة
البال خليني
طگ غيض الصبر بي
ورسمتك كاع
لأن ادري
امن الكاع تاويني

خانگني البچي

من منكم سعيد

اومات جيپوه

اموت آنه ايمچانه

او هو يعدل

گلوله فقير

ورايد الموت

شيفيد العمر

من ینگزي اتعل

يجيني الضيم

تالي الليل كابوس

يردس ع الغلب

يتمحجل اتمحجل
رگدني الردس
والصوت مني انباك
مثل طير ابظلام
وخوف من ايچل
اوبعدني ابضيم ليلي
والصبح لاح
گاصدني اشوفه
والقهر يصهل
خانگني البجي
كسرتة حسرات
شفت وكتي علي
امشچل اتشچل
اتمنى الوكت

جدامي انسان
ابهذله حياته
الباجيه اتبهذل
اجرعه الضيم
اشربه اهموم مرات
حتى ايشوف
ظلم الضيم يكتل

مگص الگیش

آنه اول بشر

حدد مگص الگیش

واول ثار أخذته

وهذا نیشانك

طحت بأول طریقك

من عفت ممشاي

لا صدك طحت

وانخطفت ألوانك

آنه اول گلت

بالك تصد لیغاد

الفشگ یمطگ تراهو

بزلة السانك
شيفيد الريح
لو وكفت أم اعريف
وي فرت زمرها
أيطيح بنيانك
يل منه وعلينه
وراية العباس
تشل سبع ضر
لو بعت عنوانك
دباوع هاك
فرزن هاي من هاي
دخل يختار
هسه بهاي وجدانك
تماشي الحيل ترغب

لو مشي البهداي
ومن ترغب يصاح
ارجوك برهانك
صحيح الصح
شحيح ابوكتك اليوم
وصحيح القفل
زنجر بيها بيبانك
لچن يكلف علينه
ويكلف انتة عليك
وكلف كلش علينه
اتبيع قرآنك
يمن باقي اعلى ذلّه
وخوف يتبع خوف
بس كافي انتفض

مو ورم عيونك
أهي اشتسوه حياتك
والنجف زعلان
يل بعت الولاية
أعلى البييعونك
مو باچر كبر
وحسابه يكلف حيل
تندبمن يخايب
من يضكونك
يردونك اداة
ابين هاي الناس
أداة الهم تصير
اليوم يردونك
يردونك تعيش

ابغير راحة بال
وأطفالك تعيش
بضيم من دونك
يردونك محطة بكل
مجان تصوير
واحذر حيل
أحذرك لا يذلونك
دراجع ذات ذاتك
واصفن انتة ابهاي
دشوف ابيا اسم
گامو يسمونك
حتى اسمك نسيته
وصاغ منك لون
صار اسمك گصير

وي الينظرونك
وصية أمك
خواتك ولیمجدن بیک
علي شاره وحياتك
لا يغرونك
لجن دعوة إمام
بوكت چان غروب
سلبت كل حيائك
بانت ابلونك

رفيف اجناح

بيش أٲطير

يل جناحك ٲمد

وتلون اعظامه

أخاف أٲطيح

أنت

إبلا رفيف جناح

أخاف اٲطيح

وأنت

ولو طحت جامه

أخاف عليك تصعد

والرياح أٲهب

أخاف أتضيع
يل تدري التسابغ
ريح جذابه
وك تدري اليتيه
بديرة ذياه
أخاف عليك تعثر
والدرب يبعد
يل طبعك خفيف
اشوهناك بليل
يل تدري الظلام
اتبين نيابه
وأنت
بلا ظلام تضيع
يل تدري الكبر

وحشه
ويكلف احسابه
نصيحة أصحه
العمر يومين
ولك تدري
البشر من طين
وأنت سنين تتعلم
مشي الرجلين
وامتد القدر وياك
او من علّيت
بعت ناسك لمن علّيت
وغمه كله ننتظر
بلجي تغيريت
وضيعينه

اتفاجئينه بصوت

يمتد اعلی طولك

وشهگه صاحت حيف

گلي شغیراك

أوعله صوت

أوعله صوت

أوعله صوتہ عليك

کلمن باوعاك

صفنة بيت

مثل فضل المياه

أعلى الورد وياك

تموت ابدوني حتما

لو جفيتك

جامه حزام ظهرك

والوكت سيف

دباوع هاك

كتلك حذريتك

صفنة بيت جنك

موحش اشلون

هلال من الحزن

تَظَر لَگَيتَک
صافن وکت اَمس
ومحیراک الیوم
وصفطت الهوه
بآية اوعاونیتک
لونه اللیل وجهک
ضایع بلیل
شعلت الدنیا شمعه
وما لَگَيتَک

ثار هابيل

شفتك ابحاله
اتبجي العيون
وشفت خدك
على أيدك صفن الليل
تجاعيد اعلى وجهك
رسمت هموم
أحس بيها ابتدئني
وباغت الحيل
أشوفك بين غربه
وخوف مرسوم
تكاسر بالليالي
اتريد تعليل

أذكرك يوم كنتك
غاد سجان
أذكرك يوم
كنتك تلغه قابيل
واوراق الجريمة
الحد وكتنه اليوم
تطالب بالعدالة
وثار هابيل
أحس ببك المشاعر
تنرسم لون
وشوف الغيظ
مهرة يمك أتميل
إذن كافي
اعتليها وغالط البيك
اطوي الدرب كله

ولفه بكليل
لأن أمك تطالب
رايده إرباك
عليك أعيونهه
هزن كياني
تبجي أمك
تدگ تلطم ع العيون
ماهن وشلن
والهم عماني
وأنت امن البرد
لابسلك الوان
أحس ترجف
الصورة إبلا تهاني
بيحيى اشلون
تلگه هناك عباس

جاوبني وعلي
هم تلغه ثاني
هم تلغه النواشي
وجامع أهنأك
وصحن لحسين
وشموع بصواني
احلفك بالله لوضليت برباي
واشكره عليك
لنه بهم جزاني
عغب ذاك التلولي
والسهر ذاك
صفيت إبلا ولد أنه وزماني

الكناري

كثره فصول

مرت

والظلام يلوح

وأنت وياي

باقي وياي

ترسم للفرح

تنور

يمته يفور

وبجفه قضيه

ومحتواها

إنسان

غرگها البشر

طوفان
جردها المشاعر
والجشع نيشان
وأنت وياي
ترسم للبقايا
إحساس

چا یمته اشوفك فرح

چا یمته
اشوف الفرح
مو صار
حفنه سنين
من خلفك
بحر
وگبالك التين
رد صوت
الكناري
حشم الطيبين
يبسني العطش
وانه ...،
بربيع صباي
أباوع لا ثمر
بس باقي

خشب التين
فصلولي

اعلى گدي
من الخشب
تابوت
رايد موت
يصبح
للشجر عنوان
ويبرهن قضية
حسين

فهرست القصائد

الصفحة	ت القصيدة
2	بطاقة الكتاب
3	1- المفتاح
4	2- الجرف شایل زعل
7	3- الوطن غيرة
12	4- شوگي اعليک حد الآه
15	5- امد روي اعلي طولک
18	6- عطش گيظ
22	7- اتوجه اعلي روي
26	8- بطاقات ملونة
34	9- اشکد وکح هذا اللحم
38	10- طبع منجل
41	11- ربح خسران
44	12- تراتيل مجروحة
47	13- صبحک ليل
48	14- عطش جرفين
51	15- فرهدني الوکت
54	16- طگ غيظ الجنازة
58	17- ترس چفي الدمع
61	18- خانگني البجي

- 19- مگص الگیش 64
20- رفیف جناح 70
21- صفنة بیت 74
22- ثار هابیل 76
23- الكناری 80
24- چا یمته اشوفک فرح 82
25- فهرست الدیوان 84